



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Handleitung Zu leichterem Gebrauch Der Geist- und
Sittlichen Unterrichten In Ewigen Wahrheiten**

Calino, Cesare

Augspurg ; Graez, 1744

VD18 80280064

Dominica II. Post Epiphaniam.

[urn:nbn:de:hbz:466:1-49389](#)

CONCIONATORIUS. 61

ediamus parentibus nostris; secus facturis minatur supplicia. Mense X. Disc. 284. pag. 195. à nūm. 5. ad fin.

Et erat subditus illis. *Luc. 2.*

Non soli Deo, summo rerum omnium Domino, obedientiam debemus, sed etiam hominibus; certè S. Paulus ait: *Servi obedite dominis vestris temporalibus*, & alias S. Scriptura plena est tam mandatis, quām exemplis obedientiæ. Verūm ne per obedientiæ præceptum in errorem inducamur, intelligere debemus & discernere, quid homini, quid Deo debeamus. Mense IV. Disc. 266. pag. 357.

DOMINICA II. POST EPIPHANIAM.

I.

Et erat Mater Iesu ibi. *Joan. 2.*

De devotione erga Beatissimam Virginem. Mense X. Disc. 287. pag. 241.

2.

Vīnum non habent. *Joan. 2.*

Magno dolori & pudori esse sponso debuit tam festina vini penuria: verūm aderat Mater Dei, aderat Christus ipse Dei filius, qui succurrere in opia potuit & voluit. In quacunque constituti simus necessitate, firmiter in bonitate divina speremus, quia ipse Deus sperare nos jubet, & firmi-



firmiter sperantibus opem certissimè feret. Met.
se VII. Disc. 200. pag. 350.

3.

Cum inebriati fuerint, tunc id quod deterius est.
Joan. 2.

Hæc mundanorum cauponum consuetudo est, ut hospitibus bono jam vino ebriis apponant vi-
num vapidum aut acidum, quo sæpe eorum va-
letudo corrumpitur. Verùm culpæ partem ma-
ximam habet, qui inebriavit semetipsum; justo
enim Dei judicio perniciem & corpori & animæ
affert. Mense V. Disc. 122, pag. 1.

4.

Vocatus est autem & JESUS Joan. 2.

Optimè fecit sponsus invitando JESUM, cu-
jus præsentia convivas contineret in officio, &
omnem ebrietatem petulantiamque excluderet.
Quàm diversæ sunt ab illis nostræ frequenter nu-
ptiæ! indulgetur noxiæ libertati & ebrietati:
non vocatur JESUS, sed petulanter excluditur;
quia per gulam peccatur in Deum, in proxi-
mum, & in seipsum, Mense V. Disc. 226. pag. 76.

5.

Nuptiæ factæ sunt. Joan. 2.

Cùm Matrimonium sit Sacramentum, atque
per id, sicut per alia, sanctificari sponsos, a-
deoque celebrari nuptias cum omni deceat ho-
nestate, mirum est, Christianos quosdam eò
delabi, ut tunc maximè indulgeant gulæ. Ve-
rùm

CÖNCIONATORIUS.

63

Fum non jam de conviviis nuptialibus solum, sed bacchanalitiis symposiis loquendum, per quæ peccatur plurimum ab iis præcipue, qui vel consuetudine vel naturâ in gulam propendent. Ast paratum est omnibus contra gulam remedium, ut nempe aliorum damna hinc nata considerent, iisque perpensis omnes hujus vitii occasiones devitent. Mense V. Disc. 129. pag. 120. ad num. 7.

DOMINICA III. POST EPIPHANIAM.

1.

Accessit ad eum Centurio, rogans eum. Matth. 8.

Non accessisset forte Centurio ad JESUM, nisi necessitas & utilitas propria impulisset; neque etiam leprosus. Salvator tamen eis etiam opem promptissime tulit, qui non puro ejus amore, sed proprii commodi studio ad ipsum venerant. Mense X. Disc. 293. pag. 344.

2.

Vade, ostende te Sacerdoti. Matth. 8.

Et hodie & saepius imperavit JESUS leprosis se curatis, ut ostenderent se Sacerdotibus, quorum erat officium lepram à lepra discernere & mundatos denique populo restituere. Non de sua gloria, sed de Sacerdotum honore erat sollicitus. Secus planè faciunt Christiani multi, qui Sacerdotes ac Religiosos, si vel minimum in iis defectum viderint, traducunt & aversantur.

At

